

Na osnovu člana 26. Zakona o obligacionim odnosima BiH ("Službeni list RBiH" br. 2/92, 13/93 i 13/94) i člana 89. stav 3. Zakona o javnim nabavkama („Sl. glasnik BiH“, broj 39/14) i dostavljene Ponude broj: 1-1705/19 od 17.05.2019. godine, zaključuje se

U G O V O R

o osiguranju lica i imovine i vozila

između:

1. **ASA OSIGURANJE d.d. Sarajevo**, IDB:4201261240009, ulica: Trg Međunarodnog prijateljstva broj 25, Sarajevo, kojeg zastupa Direktor Hodžić Adnan (u daljnjem tekstu: OSIGURAVAČ) i
2. **JU "KANTONALNI CENTAR ZA SOCIJALNI RAD"** ulica Gatačka br. 80, Sarajevo koju zastupa v.d. Direktor-a Enes Šabić, dipl. pravnik (u daljnjem tekstu: UGOVARAČ OSIGURANJA - OSIGURANIK)

ČLAN 1.

Predmet ovog ugovora je pružanje usluga osiguranje imovine i kolektivno osiguranje zaposlenika od posljedica nesretnog slučaja (nezgode) i službenih vozila a u skladu sa Ponudom Osiguravača br: 1-1705/19 od 17.05.2019. godine. godine, koja je sastavni dio ovog Ugovora.

Ovaj Ugovor zaključuje se nakon provedenog Konkurentskog zahtjeva za dostavu ponuda u skladu sa članom 89. Zakona o javnim nabavkama i dostavljene Ponude br: 1-1705/19 od 17.05.2019. godine, a na osnovu Odluke o izboru najpovoljnijeg ponuđača broj: 35/X-02-404-768.7/19 od 05.06.2019. godine.

POGLAVLJE I - KOLEKTIVNO OSIGURANJE ZAPOSLENIH OD POSLJEDICA NESRETNOG SLUČAJA (NEZGODE)

ČLAN 2.

Osigurane sume za osigurane slučajeve:

- SMRT NESRETNIM SLUČAJEM -----	KM= 40.000,00
- SMRT USLJED BOLESTI -----	KM= 4.500,00
- INVALIDITET I TJELESNE POVREDE -----	KM= 80.000,00
- TROŠKOVI LIJEČENJA USLJED NEZGODE DO -----	KM= 5.000,00

ČLAN 3.

Osiguravač se obavezuje da će korisniku osiguranja u skladu sa odredbama Uslova za osiguranje isplatiti naknadu iz osiguranja i Ponudom Osiguravača br: 1-1705/19 od 17.05.2019. godine godine u visini:

- Osigurane sume za slučaj smrti nesretnim slučajem ukoliko je usljed toga nastupila smrt osiguranika;
- Osigurane sume za slučaj smrti usljed bolesti;
- Osiguranu sumu za slučaj invaliditeta I tjelesnih povreda ukoliko je usljed nezgode nastupio potpuni 100 % (posto) invaliditet osiguranika;
- Postotak osigurane sume za slučaj invaliditeta koji odgovara postotku djelimičnog invaliditeta /prema tabeli za određivanje trajne radne nesposobnosti i invaliditeta/.
- Naknadu/povrat troškova liječenja-ukoliko su nastupili stvarni i nužni troškovi liječenja uslijed nesretnog slučaja-nezgode do ugovorenog iznosa po priloženim računima.

ČLAN 4.

Ugovorena premija osiguranja iznosi **KM=339,70** mjesečno po svakom zaposleniku. Ukupna premija za ugovoreni period za **158** zaposlenika iznosi **KM = 4.076,40**.

Za osiguranje radnika od posljedica nesretnog slučaja (nezgode) izdati će se posebna policia osiguranja, u skladu sa ovim Ugovorom.

POGLAVLJE II – OSIGURANJE IMOVINE

ČLAN 5.

Predmet osiguranja su:

Osiguranje cjelokupne opreme i namještaja Osiguranika smještene na 10 lokacija po spisku. Osiguranje se zaključuje u skladu sa Općim uslovima za požarno osiguranje.

Osiguranje cjelokupne opreme i namještaja, smještenih u objektima Osiguranika, od opasnosti provalne krađe i razbojništva. Osiguranje se zaključuje u skladu sa Općim uslovima za osiguranje od provalne krađe i razbojništva.

Osiguranje stakla debljine 4mm i više, nepomična, na prozorima, izlozima i vratima u i na objektima Osiguranika, od opasnosti staklo od loma. Osiguranje se zaključuje u skladu sa Općim uslovima za osiguranje stakla od loma.

Za osiguranje imovine izdati će se posebne police o osiguranju imovine, kojima će biti definisano mjesto osiguranja, predmet osiguranja i sume osiguranja, a sve u skladu sa Ponudom Osiguravača br: 01-1225/18 od 06.04.2018. godine.

ČLAN 6.

Ugovorena premija osiguranja imovine u skladu sa Ugovorom te izdatim policama osiguranja, koje su sastavni dio ovog Ugovora, iznosi **KM= 798,76**.

POGLAVLJE III – OBAVEZNO OSIGURANJE SLUŽBENIH MOTORNIH VOZILA

ČLAN 7.

Predmet osiguranja su Službena vozila UGOVARAČ OSIGURANJA – OSIGURANIK iz Tabele br. III Ponude br: 1-1705/19 od 17.05.2019. godine godine.

ČLAN 8.

Ugovor se zaključuje na period od 12 mjeseci i to od 18.06.2019. do 17.06.2020. godine.

ČLAN 9.

Premija osiguranja plaćati će se mjesečno. Plaćanje će se vršiti prema fakturama ispostavljenim od strane Osiguravača. Premiju osiguranja po svakoj izdatoj fakturi Ugovarač će platiti u roku od 30 (trideset) dana od dana ispostavljanja iste


ČLAN 10.




Sve eventualne izmjene i nejasnoće nastale po ispostavljenim Policama osiguranja i ovom Ugovoru, ugovorne strane će rješavati sporazumno.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

Za sve eventualne sporove nadležan je Sud u Sarajevu.

Ovaj Ugovor je sačinjen u 4 (četiri) istovjetna primjerka, za Osiguranika 3 (tri) primjerka a za Osiguravača 1 (jedan) primjerak.

OSIGURAVAČ
DIREKTOR

Adnan Hodžić
539/19/1 - 0D/535/R2198


OSIGURANIK / UGOVARAČ OSIGURANJA
VD DIREKTOR-a

Enes Šabić, dipl. pravnik


Broj: 35/X-02-404-608.11/19
Sarajevo, 18.06.2019. god.